

明
詩
紀
事

明詩紀事

貴陽陳田輯

茂鑑

陸鉞十首

鉞字舉之鄞人正德辛巳第二人及第授編修出爲
湖廣僉事歷江西參議遷山東提學副使有少石集
十三卷

田按少石詩多鬱而未暢錄其首節爽亮者亦是
翻雅奏

秋溪

搖落楓林候溪光淨可憐蒹葭明遠浦鷗鷺下平田
暮艇滄浪曲晴窗秋水篇嗟余形役者訪戴定何年

戊籤卷十四

開元寺

寶梵開珠藏龍池但劫灰何年歸帝子此地復樓臺日月金
輪轉笙簫玉宇哀山靈莫惆悵拄杖我重來

學臺秋集

嘉會啟清節賓筵禮上英鮮飊洒層宇流景耀蓬壺候更令
始栗天高氣乃清時菊布華彩秋蘭綴玉莖做席爛綺繡列
俎差瑤瓊廣樂沸中除靈囂震前楹颯颯奏周雅呦呦歌鹿
鳴颯沓珠履集繽紛星弁迎升階等魚貫班坐似雁征東壁
萃文宿西籬觀德型肅虔若儀軌溫穆款道情旅酬既卒爵
終燕鮮愆程嗟余信寡昧接歲忝稱名倡導謝師訓切磋惟
友生蓬麻賴扶植芝蘭藉德馨屬茲選舉備欽皇文教成珪

瑋薦清廟麟鳳羅廣庭
械樸有遺響臂我厠頌聲
哲后敦化理君子茂休貞
所期勤志業宏樹翊昌明

武當宮

仙宮積翠凌空起飛磴盤梯上界寬
五嶽雲霞朝絳節三天星斗傍朱闌
琅函日靜蘿煙繞石竇春生玉髓寒
塵土十年思羽翼洞霄何日乞祠官

贈白厓子

白厓溪流石齒齒蘿洞霧合花冥冥
君夢紫泉築堂靜我攜素琴過月明
東遊天姥涉滄海南望鍾山賦玉京
歲晚冰霜重相許碧梧紫竹談心盟

重過芳洲和王定齋韻

平湖淡蕩淨煙霧誰人卜築林塘幽麗日濃花已干樹截波
錦鱗須萬頭不辭深杯恣佳賞已覺爽氣凌高秋鄭谷秦樓
幾塵土曠懷寂寞君爲酬

郊行

杖藜出郭謝塵事野曠物態怡心神鵲鵲晴沙意自得菰蒲
小閣花鮮新江湖滿眼不一醉歲月如流能幾春碧草萋萋
上煙壠越王臺暮山鬼鄰

滕王閣晚眺

樓上煙霞回浦溆樓中簫鼓暮銜杯江光半隱漁燈亂木葉
驟鳴山雨來萬井兵戈餘野哭千年帶礪依荒臺古今帝子
俱消歇王粲禰衡空爾哀

廬山二絕

可惜南唐寺誰招後主魂
小樓吹玉笛遺響不堪聞
參差萬樓閣恍忽見諸天
僧住香爐頂半空燒紫煙

張治十首

治字文邦茶陵州人正德辛巳進士改庶吉士授編
修以修明倫大典成擢贊善進諭德以翰林學士宣
諭安南未行遽止擢南吏部侍郎改北進南吏部尙
書召拜禮部尙書兼文淵閣大學士加太子太保諡
文隱隆慶初改諡文毅有龍湖文集十五卷

雷禮鐔墟堂稿文毅奉制及應酬諸作脫腐遠俗歸
古典則

藝苑卮言張文邦詩如藥鑄鼎燦爛驚人終乏古雅
國雅張文毅才雄思瞻拙緒錯綜岌然衡岳之秀

靜志居詩話張文肅夜過洞庭詩云曉發吳門月
波廣陵汜日暮江帆遲洞庭三百里微風淡無波明
月照天水隱隱見君山鐘聲翠微裏是吳地也而混
於楚矣酈善長北人未析南條諸水注水經二湖俱
以洞庭爲目誤也文肅家茶陵與洞庭湖密邇豈得
以君山屬吳耶
沅湘耆舊集龍湖先生詩體裁正大詞旨悱惻以之
嗣響西涯殆無愧色
田按文毅當議大禮時附和張桂與編修孫承恩廖
道南王用賓俱與纂修明倫大典之列未滿考拙贊
善龍湖集中頌羅峯閣老詩備極推崇厥後廷推閣
臣世宗持之十日以南吏部尙書召入殆猶憶議大
禮功耶五七言律體特饒清音詩綜專錄七絕殆未
見龍湖全集歟

白溝河

白溝河水浩浩昔時戰爭場今成車馬道向來棄骨不可收
千古殘魂哭秋草白日照地寒雲黃一溪落葉無人掃世事
悠悠甯足論過客空悲天地老

贈史給事出判通州

燕京木落秋初深，高雲白雁寒蕭森。
玉壺載酒送君去，千里青山愁多陰。
我欲贈君綠綺琴，一彈一曲傷人心。
海門月出江煙薄，惟見滄波澄碧林。

酬友人

花下疏鐘靜天涯，獨客愁功名揚子閣。
詞賦仲宣樓杜若，滄洲雨春湖野渡舟。
有懷吾共汝，雙鬢愧清秋。

城上

縱目南樓晚蒼蒼，落日昏城回山不斷。
沙白水無痕，疏雨誰家樹濃花何處。
村漁舟雙盪槳杳杳下江門。

江宿

移舟下極浦倚岸卽斜曛淡淡月臨水微微星出雲流螢散
高影暗水聚寒蚊山雨中宵至淒然不可聞

湘中憶鄭栗齋憲僉

細雨春帆溼孤舟江色開岸花當水出沙鳥傍人來綠草湘
妃廟青山帝子臺湖南霜氣重遙憶子真才

觀湘閣與彭大尹宴別

湘江東下應千折一水中分十里洲岸圻孤臺浮地出窗開
雙練挂天流芳蘿春煖生香細殘檣風輕落韻柔萬里未辭
孤棹往一尊聊爲故人留

聽雪

草閣冬深睡初足忽問寒雪下逡巡空檐簌簌仍兼雨虛枕

蕭蕭欲近人鴻雁天南無一字兵戈塞北有驚塵生涯落魄
年將暮羞見梅花幾樹新

再寄雙石

湖上寒風吹月明孤舟官燭照灘聲美人遠隔青山暮此夜
相思白髮生客淚暗隨江雨溼愁心遙度塞雲平多情不及
中流水日夕悠悠向北傾

懷真齋江司業因羅子鍾寄去

憶昔追隨供奉地江淹新賦動長安離羣卻恨相思苦直道
空嗟行路難楚日斷雲孤雁遠白門紅葉萬峯殘愁心欲逐
題封去江水茫茫秋雨寒

楊麒一首

麒字仁甫上饒人正德辛巳進士除長樂知縣改潯
縣徵授吏部主事出爲福建按察僉事遷南通政參
議應天府丞南光祿寺卿改北擢工部侍郎進南
工部尙書有司空集二卷

題隱居草堂

花中池館柳邊橋卜築溪村幽思饒對酒放歌消白日不知
城市有塵囂

敖英十二首

英字子發清江人正德辛巳進士除南工部主事歷
禮部郎中出爲陝西提學副使改河南進四川布政
使有心遠堂稿

西江志子發在當時盛有詩名人稱之爲敖清江
田按子發綠雪亭雜言云近見一種文家險澁其語
以爲奇僻怪其字以爲古隱晦其意以爲深矣兀其
體以爲高蓋以盤庚爲古文之鼻祖而淺視史記漢
書以樊紹述爲古文之宗子而下視韓柳歐蘇鯨吞
熬并牛鬼蛇神瑤琨碧豔鬼眼傾耳揮霍自恣居之
不疑噫弊也甚矣蓋亦不隨時好爲步趨者詩亦有
標致

憶湖南舊遊

孤帆忽西邁超忽憑虛遊江風出斷岸細雨撼蒲秋美人隔
湘浦遺我珊瑚鉤安得雲間鴻一寄心之愁

長干行

鴨嘴岸低春水滿水邊膩綠蒲芽短誰家兒女採蒲芽髮溜
寶釵金鳳斜娉婷自信心如鐵坐閱江流千萬折歸來結鏡
思獨苦露滴風檐月亭午

下第南歸

黃金臺下客去去復奚疑
僮僕憎行李居人勸酒卮
九江春草綠孤棹北風遲
卻笑無鹽女年年學畫眉

野望

望中齊魯曠一雨洗春柔
山影淩波亂花光約樹浮
羣妖仍瀕洞孤棹正夷猶
南斗江湖外何人倚劍愁

雨花臺

雨花臺上無花雨此日登臨踏古苔
清楚不聞重說法亂山依舊對銜杯
六朝蔓草天邊去萬里江流席下來
回首長干笳鼓動城南燈火映樓臺

連雲棧

朝朝木末行路險色惻悵絕壁何蒼蒼猿聲在天上

秋興呈邊華泉

池頭一雨送新涼小坐茆亭月近床和得竹枝三百首西風
無雁寄瀟湘

出郊

春事不知還幾許城南今日探芳菲鳳凰臺前好春酒醉到
日西騎馬歸

宿烏鼠山野館

西風無伴獨登樓烏鼠山空鴻雁秋家在五湖煙水外何人
燈下說邊頭

毛女圖

毛女翩翩骨已青往來西華弄寒星無端回首人間世風雨
年年怨茂陵

歸田志喜

江心桃竹可爲杖拄杖還山不受呼要與林逋同放鶴六橋
春水隔西湖

昭明太子蓮池

年年池上蓮花紅耿耿怨見颯青楓臺城同泰久蕪沒殘僧
猶打南禪鐘

張袞 三首

袞字補之江陰人正德辛巳進士選庶吉士授監察
御史復改編修歷侍讀諭德進侍讀學士遷太常卿

左遷南太常少卿就遷光祿卿有水南集十一卷

田技水南絕句極有風致

雪後放舟淮河

風帆遠下疾於鳥萬里長淮帶雪流岸上好山如待客可無人與畫江洲

和顧東橋新營恩園

每多幽興在蓬萊曲曲京江見野塘風磴雲門時隱見有誰題作浣花庄

閒情示邢道士

秋蘆江上白紛紛鶴渚鳬汀杳莫分寄語水雲邢道士卻從何處謁仙君

張鳳翀 一首

鳳翀字岐山甯州人正德辛巳進士官南監察御史

書懷十首 錄一

雲和閣繡戶錦韉住誰家凝思久無語數徧砌前花

田拔岐山自注云正德十五年予備數甲榜時甯藩不軌上南征駐蹕南京予輩侯廷對於京師一年有餘同列拈杜句感時花濺淚恨別鳥驚心爲韻因賦短章考此年爲庚辰越歲廷對爲辛巳凡州縣志多稱此榜進士爲庚辰者皆未詳此時事也

王同祖 二首

同祖字繩武崑山人正德辛巳進士選庶吉士授編修
以事罷歸起原官兼春坊校書進南國子司業有太
史詩集六卷

弇州山人續稿司業詩采建安六季之才而歸開元
大厯之格
梅花草堂集繩武宏博爲文章操紙筆立書融暢爾
雅居然合作在朝多所建白識者謂有出入將相之
畧弱冠登籍垂三十年立朝者僅五閔歲卒以譴死
天下惜之
田拔繩武以世宗久居西苑不視朝時有宮女楊金
英之變疏請還大內改元忤旨奪職放歸弇州序司
業集謂集中疏多國家大計嘗請祀薛文清於孔廟
申明太學同事九廟災請以春秋哭災漢氏改服諸
陵題主敝目中反虞之說不得以吉禮從事又謂宗
廟石室藏主爲宗廟公羊高曰主藏廟室西壁以備
火災漢儀藏主西牆中垣即石室也北虜猖獗疏
請使使齎遺金帛於別部勤勞俾爲外援得間則以
一軍出雁門一軍出居庸左右犄角其語甚壯慨然
以賈長沙劉中壘陸忠州自居今檢明人選本無及
繩武文者錄其詩附識於此

吳門遇邵仲德

三月逢君吳子城百花洲上倉庚鳴晴川著雨波汎汎野館

落日春冥冥樽酒欲傾還惜別
逐臣相對自關情
長沙此去應無鵬
宣室何時召賈生

張比部子儀攜酒見過分得年字

白水青山春可憐
野塘花竹淨娟娟
東風門巷多芳草
落日江湖有杜鵑
高臥馬卿愁病渴
長齋蘇繒愛逃禪
卽看載酒尋盟處
小閣秋雲已判年

吳廷翰

四首

廷翰字崧伯無爲州人正德辛巳進士授兵部主事
改戶部吏部歷員外郎中出爲廣東僉事改浙江遷
山西參議有蘇原先生集二卷

田按蘇原七律疏爽集中佳句如自來說法青牛叟
雙去吹笙白玉童管仲臺前春草亂黃公石上暮雲

生念子久傷豺虎地使人愁對鴈鵲臺峽口草生銅
柱沒廟前月出石牛寒湖上青山芳草夢渡頭黃鳥
落花情滿滿葉聲飛晚照隔江峯影落秋雲滿地清
秋雲片片三更倚竹月如娟久病忽驚詩卷瘦老懷
難借酒杯寬皆可誦也

寒東王純武陸伯載

北地時節苦不早不謂四月寒見侵風吹薊門日色薄雲入
西山雪意深邊城蕭蕭鳴戰馬野田啄啄下饑禽可憐寺裏
淮西客幽獨傷神青竹林

送滄涯太守入覲

此邦爲政多休暇山水何須羨永嘉齋閣留賓開一榻湖亭
對酒得孤槎憶歸春日牽楊柳送別寒城隱菊花清問祇今
勞側席使君何以答重華

逸山魯君隱居

闕下歸來今忽老，偶尋此地作幽棲。
茅齋寂寞緣孤徑，野樹參差帶小溪。
酒旆斜連官渡口，釣船常在石橋西。
槎亭最喜相隣近，短杖從今得共攜。

白頭翁

點點綠殘荷，葉潛枝枝紅映萼。
花洲可憐秋水清，如許閒與幽禽照白頭。

何棟一首

棟字伯直，長安人。正德辛巳進士，授河南道御史。改
宜興知縣，遷順天通判，歷工部郎中，進右通政。太僕
卿以左僉都御史巡撫大同，左遷四川參議，用薦起。

右副都御史提督薊州進兵部侍郎擢右都御史有
太華集

望湖亭

丹磴入青霄瑤亭俯翠巒時軒一以眺湖漲正瀾漫波影含
雲細荷珠滴露圓須臾明月上坐對水晶盤

李默一首

默字時言歐寧人正德辛巳進士選庶吉士改戶部
主事歷兵部員外吏部郎中以事謫寧國同知屢遷
浙江布政使入爲太常卿掌南國子監事擢吏部侍郎
進本部尙書兼學士加太子少保爲嚴嵩趙文華
構陷下獄瘐死隆慶中復官萬厯中謚文愍有羣玉

樓臺七卷

田按文愍羣王樓稿有上三宰相書曰比者降發中
之詔修刻藏之功執事首膺異數進秩諸侯可謂曠
世傳談矣然外內譁然不決眾懷其說有二小人曰
相公法允食正典禮義不假於君親而乃自利其爵
君子曰相公畢命之臣無利之心雖然三子並拜而
宮掖乖五侯並封而武氏橫相公不鑒功名自此去
矣夫是命也執事謂盡出上旨哉即不過左右憑藉
以階寵耳觀其敘列吾黨不及三四而此輩已居八
九則其情狀先已敗露矣蓋為楊廷和蔣冕毛紀以
定策功封伯爵發也三人卒能固辭文愍直諫亦有
足多者集中文學步昌黎不拘李何成說詩則頗傷
率易

江上訊故知

憐君四十不稱意獻賦金陵仍未收為客做裘曾貴酒經秋
零雨幾登樓釣熬無計悲公子埋劍何年射斗牛我亦長沙
留滯久江離汀芷共牽愁

童承敘 二首

承敘字士疇一字漢臣河陽州人正德辛巳進士改庶吉士授編修進侍講歷中允洗馬國子司業左春坊左庶子有內方集十卷

靜志居詩話庶子與張文邦廖鳴吾號楚中三才不陵以從龍侍臣遇之詩篇北廖差優湖北詩徵傳畧內方集多佳句可錄如忽抱澁蘭思坐乘秋水來林皋停返照樓閣動新涼衰晚饒詩意清貧乏酒錢仲宣詞賦人爭誦平叔風流自可憐門前自擬題凡鳥天上甯知聚德星坐愛蘋風生水閣卧看林影落繩床皆清峭拔俗

宮詞

三三兩兩不知愁結束羅裙學打毬傍晚忽聞天樂近分明只在殿東頭

江漢歌

清江抱村村樹齊水風不動浦雪低嬌女刺船深港裏聞歌
只在菱荷西

倫以諒一首

以諒字彥周南海人正德辛巳進士選庶吉士歷吏
部郎中進南通政司右參議有石溪集

海珠寺別李三洲王青蘿

兩岸西風吹白蘋三城煙火隔紅塵天涯黃菊無邊落
清尊幾故人謀國計從窮處拙倦遊心向暮年眞
扶桑近黃木灣頭好問津

廖道南一首

道南字鳴吾蒲圻人正德辛巳進士改庶吉士授編

修屢遷侍講學士謫徽州通判尋復職有玄素子集

殿閣詞林記嘉靖時每遇經筵日講召講官願鼎臣

謝丕及臣道南蔡昂賜資無算臣道南悉紀以詩賜

枇杷葉詩云炎日殊珍出何方賜來猶帶御園香珠

丸雲雀承優渥玉液霞翳敢自嘗賦擬上林風韻別

貢緣南國露華芳翠籠函賜同袍士蕙圃蘭皋倍寵

光賜餉魚詩云暑雨經旬溼不開雪鱗冰艦自南來

御庖珍饌傳中使講帷金盤出上裁薦鮓未須歌寢

廟鈞鼇何必羨蓬萊素餐忝竊慚無補魚藻空懷絕

代才

藝苑厄言廖鳴吾詩如新決渠浮楚濁泥一瞬皆下

田按學士在世宗朝賴蒙優眷纂修明倫大典成進

侍讀在經筵講洪範稱旨其說具載實錄嘉靖八年

元夕應制撰燈詩十五首以進又撰泰神殿禮成感

雪賦圖邱散祀慶成九章聖主光圖陽翠嶺賦南巡

江漢賦景雲徵烈四頌皆邀睿賞白徵州賜環帝親

麗鍾粹宮詞命和賜金綺有差生平著述甚富撰楚

紀六十卷續黃泰泉翰林記為殿閣詞林記二十四

卷玄素子集五十六卷詩句集字輦不稱其名

登赤壁亭

亭傍石岩開風鳴萬樹哀人閒不知去鳥倦忽飛來江勢平
香閣山形曲抱臺雲林秋色霽眞自可幽懷

周祥三首

肅字天保紹興山陰人正德辛巳進士除東阿知縣
改來安擢兵科給事中改工科有定齋集十五卷

羣玉樓集定齋文酷慕西京質疏達簡去雕去腐時
復爲燕趙慷慨悲歌之狀詩淡者似建安沈鬱復似
少陵而瑰心奇氣若河流下龍門積石奔激不得瀉
風觸木怒號掀旋漂擊已而噫氣冷然故攪其詩若
文而志可悲也
田按天保致李空同書云往寓幽燕有攜空同集過
予者予抱而讀之再三而歎之嗟夫世有是人予不
得而見之子豈人也哉予年四十有四白口易下遊
水不返陸弱荷且以俟其老將奈何也求虞翻趙曄
陸佃放翁於卿之遺書而讀之吾意未覺其有當也

登會稽之山想黃河之流浮雲而馳征翼東向又不
能不空同之思恍慨幾於泣下誠以惜時不如立名
慕德不如勵行追古不如就今歎古文不如親炙此王
案有依劉之誠張敏有夢惠之歎古今之所共親烈
士之尤甘心也空同覆書云僕少壯時振翻雲路嘗
周旋鴻鸞之末謂學必的古苦心無益又謂文必有
式然後中諧音度如方圓之於規矩當是時篤行之
士翕然臻向弘治之間古學遂興而一二輕俊恃其
才辨假舍從登岸之說扇破前美稍稍聞見便橫肆
譏評高下今古謂文章家必自開一戶牖自築一堂
室謂法古者為蹈襲式往者為影附信口落筆者為
退其比擬之迹而後進之士悅其易從附唱答響風
成俗變莫可止遏而古之學廢矣僕竊憂之然莫之
敢告也又每竊歎獨立之鮮勇往之寡也今足下既
有同聲之應又相求也僕安敢終默也且人情未
不忽近而務遠者何也知其實者少而狗乎名者多
也世遠則論定持定采名則曠世相慕故漢文帝招
憚思頗牧而不知李廣魏尚者以其近也近則疑
則實味實味則忽之矣斯時俗之重悲也今足下於
僕同時最近涉疑而不疑又無傾蓋之談接袵之雅
乃一旦走千里之使聲應而氣求之僕以是知足天
立之獨而往之勇也以是而酌古之不足矣天

保詩有氣格而少風趣文過詩達甚余愛二書情詞
斐然故節而錄之一二種後蓋指大復君采也

擬青青河畔草

春日長安陌落花何脈脈陌上草青青行人那復停歌臺臨
大路相思春日暮寶騎金作鞍遙遙花裏度去時鸞鏡臺照
郎未曾開青天挂月明弦望得歸來

王雲谷以溪山深雪圖貽我六月展玩想憶不忘時雲

谷西遊乃詠歌圖右以託意云

雲谷詩人苦詩癖時復工畫窮其力平生豪縱出萬夫不受
文詞相促迫憶昨贈我溪雪圖山石半暝天模糊中有堅冰
百丈長下垂大壑通江湖是時六月朱夏永萬里炎蒸骨殊
痛遂令寒風生我堂坐間賓客毛皆聳青松挂壁牛已僵溪

流欲流雲不揚茅堂盡亞天姥下孤舟忽出瀟湘傍王君王
君神仙侶一生好古心亦苦技兼鄭監名獨著祁岳韋偃何
足數近聞騎馬西入秦秦地山川三輔鄰他時定寫皇圖會
猛欲題詩向涓濱

楊花

三月楊花喜看花并送春茫茫渡江去白日易愁人

謝贇一首

贇字維盛閩人正德辛巳進士除~~陝西~~給事中以議
大禮廷杖出知太平府未上官卒隆慶初贈太常少
卿有給諫集

楊妃春睡圖

玲瓏樓閣長生殿紅塵遠隔輕風薦寶鴨香微午漏沈翠箔
珠簾語雙燕深宮無事白晝長銀床冰簟參差光海棠欲睡
嬌無力阿監雙雙扶不得沈香蝴蝶夢中飛飛來上苑戀春
輝東皇有意醉傾國獨領春風歸禁闌玉顏如花恩如海千
秋萬歲終不改漁陽鼙鼓動地來花落黃沙真可哀

楊言一首

言字惟仁鄞人正德辛巳進士除行人擢禮科給事
中以言事廷鞫謫宿州判官遷溧陽知縣歷南吏部
郎中再謫縣陵知州累官湖廣參議有集

田按嘉靖六年錦衣百戶王邦奇言哈密事請誅楊
廷和彭澤下部議未覆邦奇復誣大學士費宏石琚
陰庇廷和詞連廷和子主事愜等將與大獄惟仁抗
疏曰先帝晏駕江彬手握邊軍四萬圖爲不軌廷和

密謀行誅賊頃事定迎立聖主此社稷之勳也縱使
有罪猶當十世宥之今既以奸人言罷其官戍其長
子慎矣乃又聽邦奇之誣而盡逮其鄉里親戚誣爲
蜀黨何意聖明之朝忽有此事書奏帝震怒并收繫
惟仁親鞠於午門備極五毒折其一指惟仁有詩云
云何捐臂指率爾忤雷霆紀其事也

玉莊驛

春仲一到此郊原入望遙草侵山路細溪迫漲痕高驅策煩
羸馬風塵闇敝袍乾坤嗟孟浪吾義更何逃

任瀉一首

瀉字元朴堂邑人正德辛巳進士官監察御史有石
麟集

土木驛

百年土木蕩龍沙九月風塵擁使車白日猶餘征戰色空山

愁絕聽胡笳

吳檄一首

檄字用宣桐城人正德辛巳進士除襄陽推官遷戶部主事歷兵部郎中出爲湖廣參議歷山東雲南副使遷陝西參政有皖山集

春日過張侯亭園

五侯臺榭競芳菲三日花深車馬稀絃管不隨流水奏綺羅
應化暮雲飛空聞玉饌分天府曾觀金葩捧御幃借問樓前
桃李月從來此地幾人非

列朝詩集李開先游海澱詩序云嘉靖乙未三月王
遜岩謫判鳳陵武選吳臨山歐呂江峯高熊南沙過
翰林唐荆川順之陳后岡東禮部張少室元孝李克
齋遂及子共八人儻之海澱望日出阜城門至則荒

田頊一首

涼殊甚蓋張昌國以癸巳罹禍已三年矣亭臺傾圮
惟水聲潺湲不異舊時酒酣賦詩皖山先成意高詞
雅不減唐之名家次日夏桂洲遂刻奏張李二司屬
無事慢遊下獄未久七人相次罷謫皖山率而獨免
詩卷歸予手事如隔世而人多次罷謫皖山率而獨免
感諸友之易銷歇而且歎大臣之善傾陷也嘉靖初
海濱之獄與蘇子美諸人監院飲酒之事大畧相似
貴溪侍寵伎橫一至於此西市之禍豈不幸哉昌國
在孝宗朝科道交章論劾無虛月欽命置酒陪禮傳
論守科及該道接本者俱赴席臨時又賜御物助杯
盤翌日謝恩本上而劾本亦上矣故此詩有天府玉
饌之句

頊字太素尤溪人正德辛巳進士歷禮兵二部郎中

出爲湖廣僉事遷口口副使有柘山集一卷

四庫總目頊詩頗爽朗蓋沿前七子之流波有意規擬
唐人而模擬未免有迹
列朝詩集副使乞歸以文章自喜多所著述

寄玉溪舅

廉水扶桑北石城句漏西更情甘散地春色在扶藜柳葉斜
侵屋江魚逆上溪飄飄記蠻府淚應暮猿啼

陳大澗一首

大澗字則殷長樂人正德辛巳進士歷官思恩府同
知有雙溪集

擬陶還舊居

六年客京邑鬱鬱但懷歸今日歸故國我心愴以悲溪山雖
則是室廬半已非出門訪鄰老往往罕復遺但見門前柳含
情尚依依同看百年內倏若車輪推老者日以死壯者日已
衰但當與鄰山杯酒聊共揮

王洙 一首

洙字崇教臨海人正德辛巳進士除汝州判官歷官
廣東參政

鄔子驛

彭蠡深無地蒼波闊有天晚山西落日古渡北歸船樹遠煙
初散帆高風正懸孤舟憐去住翹首思茫然

蔣泮 一首

泮字良潔僊居人正德辛巳進士授工部主事歷員
外進郎中

養病疏不行志感

抗疏辭明主紆詞乞病身尊鱸空入夢簪紱苦羈人東嶺煙

花好南檐鳥雀馴何時破蒼蘚把酒席芳茵

鄭一鵬二首

一鵬字九萬莆田人正德辛巳進士選庶吉士授戶
科給事中改吏科以議大禮廷杖桂萼議令科道互
相糾劾執奏非事體不受詔再受杖罷歸隆慶初贈
光祿卿

將命荆襄道中書懷

江漢在何許我馬去何遲豈不事鞭策徘徊有所思
辭親遠行役歲晏屢差池憑高恣遠眺仰眺白雲馳白雲散還合遊
子歸何時

感懷

林下碧蘿垂陰崖紫苔長欲取鳴琴彈坐聆松風響

洪珠一首

珠字玉方莆田人正德辛巳進士除戶部主事歷官

應天府尹

題畫

柴門欹側對流水石磴礧礧點落花一壑白雲秋欲老紅塵
飛不到山家

吳文之 二首

文之字與成吳人正德辛巳進士改庶吉士

答德深兄

池草頻生句江魚不寄書春來小樓興應似舊時無對月開

新札穿雲憶故廬忽聞添米價千里獨愁予

聞黃季行消息

試檢來書憶故人此生吾已失元賓詩篇近寄何能及消息
初聞疑未真病裏無家行藥盡夢中有記玉樓新曲江零落
花千樹北望長安爲愴神

王璜一首

璜字廷實潯人正德辛巳進士除陝西道御史有大

缶子集

談遷聚林雜俎潯縣御史王璜雲中歌入首一曰小
王子來打圍時自稱北狩產龍姿璜上老軍莫相信
英皇元不納胡姬

感事

一戰不惜布衣死堂堂肉食應含羞納牟山下藏靈劍夜夜

龍光射斗牛

田按此詠普安王鐸事也鐸普安諸生學孫吳兵法弘治中貴帥進討蠻寇鐸兄以尺籍當行瀕行而病鐸代之行及戰官軍敗鐸死之此事縣志未載當補錄

陳講一首

講字子學遂甯人正德辛巳進士厯官副都御史有

中川如鳥二集

崆峒

欲訪飛仙閣先臨問道宮亂雲交密竹斜日下危峯木落層樓出天高一鳥通鼎湖龍去遠巖壑自秋風

朱子和一首

子和字
瀘州人正德辛巳進士歷官浙江僉事
有初溪集

歸雲閣

路轉涼颺同松古石泉落竹外鳥不鳴歸雲暮投閣

邵經邦一首

經邦字仲德仁和人正德辛巳進士除工部主事改
刑部進員外以建言延杖發鎮海衛充軍有宏藝錄

三十二卷

四庫總目經邦以講學自任嘗採古今論學語發明其
旨為宏道錄又刪綴諸史為宏簡錄所著詩文則別
為宏藝錄上武宗疏及中興保治日食建言諸疏皆
慷慨激烈足以見其志節其他詩文則類皆抒寫胸
臆不周折以研鍊為工卷首藝苑元機七十三條專

明作詩之法以嚴羽詩有別才非關學之說爲不然
且謂清廟緝熙莫非至理所寓未可不謂之詩人惟
狃於習俗謂與經生不同故往往黏皮帶骨觀其持
論其宗旨可知也

澁水驛與巴鈍齋憲使宴

婺女星前瞻使節斗牛槎底汎行舟張騫自覓河源去徐福
從招海外遊綺席玉杯光照夜繡衣霜簡氣橫秋來朝共擬
尋天姥白鶴脩脩下九州

胡森一首

森字秀夫湯溪人正德辛巳進士歷官南鴻臚卿有
九峯集

金華詩錄九峯詩頗有標格如身世孤舟隨處繫江
湖白髮共愁長澗戶苔封時遇鹿石牀客少只留雲
句外有神

九日遊觀音山次劉紫巖韻

萬里江流天際來無邊秋色上虛臺
荒煙落日迷漁艇翠竹黃花照酒杯
搖落自深騷客思羈棲空老杜陵才
謝公不負東山興千古幽懷一笑開

趙兌一首

允字鷺洲內江人僑寓上元正德辛巳進士官御史
罷歸起爲常州知府歷官參政

題謝子隱畫

峯回溪轉露山家竹樵編籬整復斜
中有讀經人靜坐野風吹雨落藤花

彭汝寔一首

汝寔字子充嘉定州人正德辛巳進士除吏科給事中請改教職奪職閒住有得山堂集

凌雲寺

誰從雲際結孤亭萬斛蒼煙倚翠屏二水遠浮天影白九峯
高擁樹痕青佛煙渺渺空中散估艇紛紛雨後停新月送人
涼霧起石洲古渡未全冥

浦瑾一首

瑾字文玉無錫人正德辛巳進士除麗水知縣有桂
巖集

閒居漫興

草堂幽事許誰分石鼎煎茶隔戶聞長日如年雙燕語晴風

似酒百花醺
軟莎新展青
絲毯濃墨閒
書白練裙稍
待谿南荷
菱滿扁舟十
里看紅雲

林汝永 一首

汝永字君修
莆田人嘉靖
壬午舉人累
官長蘆鹽運
使有南嶽集

初夏集湖園有懷退齋弟

江南四月麥
秋後正是濛
濛梅雨時可
惜池塘芳草
滿一春閒
過已無詩

王汝礪 一首

汝礪字若金
金華人嘉靖
壬午舉人官
滄州知州

擬相思行

鬱鬱連理枝關關相思鳥緬懷湘水人此夕愁多少

陳東 一首

東字南塘零陵人嘉靖壬午舉人除井研知縣改龍

泉

黃葉渡

黃葉渡頭風愚溪橋下水日斜晚涼生漁歌數聲起

李松 一首

松字鶴巢曹州人嘉靖壬午舉人除沙河知縣改開

封教諭

流民歎

惻惻背鄉井遲遲行道側凶年託此身樂土是何國追逐惟

妻孥可憐各菜色聞道大河南人家富黍稷負擔不能達誰
知我心亟裏糗臨風餐蒙塵衣盡黑日暮宿荒郊愁吟聲唧
唧人生信多艱無家最可盡風急走浮雲林空無定翼透池
家漸遙舉首望天北

錢文簡

一首

文簡字滌齋無錫人嘉靖壬午舉人官南太僕丞

過石瀨山莊次鄭平山韻

地擅千秋勝泉流三徑分澗芳生萼色石壁亂春雲人意花
同愜巖香鳥共聞到來餘遠思蘿月綠紛紛

祝時泰

一首

時泰字汝亨侯官人嘉靖壬午舉人歷官戶部員外

德府左長史有九山集

過繙上人蘭若

東林秋入社還叩遠公扉地靜鈴相語風高旛自飛山留說法座雲護定僧衣欲識空中相鐘聲繞翠微

明詩紀事

貴陽陳田輯

戊籤

王教一首

教字庸之祥符人嘉靖癸未第二人及第授編修遷
侍讀歷左諭德國子祭酒進南兵部侍郎有中川遺
稿三十三卷

巴江詞

皎月上巴山影入巴江裏不見郎舟來江流去瀾瀾

徐階六首

階字子升松江華亭人嘉靖癸未第三人及第授編

修以論孔子廟制謫延平推官遷黃州同知擢浙江
按察僉事進江西副使召拜司經局洗馬歷國子祭
酒擢禮部侍郎改吏部進禮部尙書加太子太保進
少保兼文淵閣大學士參預機務再進柱國兼太子
太傅武英殿大學士加太傅改吏部尙書加太子太
師進少師建極殿大學士卒贈太師諡文貞有世經
堂集二十六卷

千慎行穀山筆塵分宜相嵩既殺貴溪逐諸城專任
二十年獨華亭與之左右勢且不免會吳中有島寇
華亭既卜宅豫章伴爲避寇之計有司爲之樹坊治
第附籍江右又與世蕃結親江右士大夫皆講鄉曲
之誼於是分宜坦然不復介意已而謀遠分宜世蕃
誅死卽驚南昌里第解江右之籍
國史唯疑徐華亭初以爭孔子祀典謫外斥爲佞鋏
柱識之曰徐階小人永不敘久亦遂忘之其自江右

督學改宮寮賴馮恩力馮時謫戍過南昌代都御史
何某草疏達夏桂洲因被內擢躋台輔謂君相能造
命非歟今人處謫官邑不樂徐華亭延平詩云俗
樸到庭文牒少山深入饌蕨薇鮮自注予往歲謫延
平樂其土俗有移家之約窺此老襟度正復超然
田按文貞相業以威福還主上以政務還諸司以用
舍刑賞還公論雖不盡副自是名語永陵修玄非青
詞不能結主知又與相嵩共事權諸獲濟史稱任智
不其然歟世經堂集爲所手定一切青詞致語刪削
殆盡雖不以詩名而入格之篇彌復俊爽

詠古

漂母昔進食慷慨不願酬淮陰千金賜高誼激頽流悲哉一
失職怏怏生異謀隆準多忌猜國士諒所仇一飯有厚直高
勳無荒邱感彼君臣間涕下不能收

送潘子芳赴東陽簿子芳者少宗伯崔公增也

我初識君自崔公珠玉照坐挹清風得君高文不能薦俛首

簿領山縣中人生仕宦如艇子東西總在風濤裏篙工舵師
好身手要使風濤爲我使古今貴賤同一邱獨有賢者名常
留如令人頌東陽簿此事應輸君一籌

題西莊卷

問訊高人第城西莊更幽竹深秋靄合花重夕陽留澗水斜
通柳雲峯曲抱樓不知塵世外何處有丹邱

登金山作

嶺樹鬱重重江流接太空下臨三楚盡平挹兩都雄寺古仙
靈祕湖生海脈通無勞問天塹萬國正來同

送客赴雲中

霜月滿層城憐君事遠行平沙百戰地羸馬一書生漢戍雲

邊色胡笳雪裏聲相思堪涕淚送別若爲情

送少傅木齋先生謝公致政

旌蓋催晨發煙霞入望新寵恩黃閣重心事碧山親司馬眞
辭位留侯早乞身繫維虛夢寐瞻望渺參辰大節全終始神
功付隱淪鳳飛元快覩鴻舉定誰馴柳暗龍泉雨花明蘿壁
春笑歌淹日月步履出風塵勲業清朝範文章奕世珍高標
振遐軌懷企獨傷神

潘恩二首

恩字子仁上海人嘉靖癸未進士授祁州知州改鈞
州遷南刑部員外出爲廣西提學僉事遷山東副使
以事謫廣東河源典史累遷浙江參政進布政使以

右副都御史巡撫河南召拜刑部尚書改左都御史

贈太子少保諡恭定有笠江集

張時徹芝園定集笠江詩型範自然體裁各適
田按尚書詩有陳色錄其少新穎者

樓子石

疊磴鬱棱層日色籠雲氣天迴石鏡光風捲珠泉沸仙人好
樓居飛輦下來未

三入蜀過澶澨

澶澨已如象川行良自傷一官淹紱冕三入戀舟航大浸蛟
龍鬪天風鶴鶴翔嗟嗟遠遊子能不念垂堂

鄭曉三首

曉字室甫海鹽人嘉靖癸未進士授兵部主事以爭

大禮廷杖改吏部歷郎中以忤嚴嵩謫和州同知遷
太僕丞歷南太常卿召拜刑部侍郎改兵部兼副都
御史總督漕運入爲吏部侍郎遷南吏部尙書改右
都御史再改刑部尙書隆慶初贈太子少保諡端簡
有集十二卷

田按端簡博通掌故所著吾學編今言九邊志悉可
奉爲典要詩非所長紀事之篇風藻不匱

諸將三首

嘉靖辛丑

胡馬南驅摧紫塞材官北面守黃河風塵不斷千山動渾脫
相率一羣過

胡兒落雁誇鳴鏑元帥椎牛賽獬牙冀北於今驚趙魏河西
且莫問瓜沙

驃騎未搜青海賊匈奴還結黑山奚朱旗夜踞雙城破白骨
秋燐萬鬼啼

朱廷立 二首

廷立字子禮通山人嘉靖癸未進士除諸暨知縣入
爲河南道御史厯南太僕少卿擢工部侍郎改禮部
有兩厓集十一卷

懶谷

山盡若無去處青松翠竹交加風動茶煙初起隔林知有人
家

山樓短述

病暑山城一月餘竹床茗碗爲驅除澄心自是延年術誰向

名山借道書

屠大山 一首

大山字國望鄞人嘉靖癸未進士授合州知州遷南
刑部員外出知吉安府歷山東按察使參政福建布
政使以右副都御史巡撫湖廣召拜工部侍郎以原
職再撫湖廣進兵部侍郎兼僉都御史總督湖廣川
貴軍務改南兵部侍郎巡撫應天與倭戰失利下獄
黜爲民有集

甬上耆舊集屠長卿曰公歸田後與里中故人縱飲
酒酣以往援筆爲曼歌了不求工而往往神來非詞
人嘔心枯影而得

青州瀑布泉歌

山神愛奇天帝憐倒捲海水懸山巔海神欲爭不敢言怒觸
山頂通黝淵白龍騰攫挂紫煙飛聲兩道雲光鮮山神受聒
忘晏眠徙置十里蒼崖肩坐令林麓偉麗捐頗費探討添煩
冤我來聞此心冷然歛裳欲訪塵霧牽望中彷彿瑤幕寒冰
肌玉骨爭清妍誰能移還大道邊報爾萬鎰黃金錢

李仁十首

仁字元夫東阿人嘉靖癸未進士授行人擢吏科給
事中累官兵部侍郎有吾西遺稿

海岳靈秀集吾西清婉和粹有中唐餘韻
田按吾西詩格軒爽音節清脆當時山左盛稱伯華
懋欽爲二李何獨遺此元珠

湖行書所見

葭菼煙中界茅檐水上村漁舟常繫柳驚渚不離門愛爾機
心息知予野性存炎天供遠役惆悵與誰論

過高郵湖

郡接三吳會湖涵萬派流樓虛無地著岸闊與天浮細柳魚
蝦市香蘋雁鷺洲孤舟蕩超忽真得水雲遊

送劉竹瀧赴西甯

出水高旗駐離筵急管催驅車川路永吹角隴雲開青海霜
鵬擊流沙天馬來百年番漢地坐見古風回

別約齋龔丈

同作羈栖客如何復轉萍高人甯避毀吾道本無爭草綠思
公子雲停悵友生幾時清禁地端簡笑相迎

出塞

羽檄來青海朱旗向磧沙匈奴猶牧馬主將敢言家天接胡
塵暗山連漢戍斜鐵衣寒不寐徹夜聽鳴笳

朝天宮東麓亭

飛閣東巖麓遙憑修竹林河山窗裡盡宮闕望中深晞髮迎
朝日鳴琴坐夕陰便當從綺季一洗市朝心

寄張五臺

明時張博望遠佐霍嫖姚直以戎機重甯辭邊地遙油幢張
晚旬刁斗入寒宵雄劍衝星斗機槍觸處消

疊川雨中宴集

小亭張畫燭高宴紫薇衙細雨江雲溼微風徑竹斜青衣行

琥珀翠袖拂琵琶歸路衝泥怯籠街引絳紗

澠池重九

函谷關西山路長會盟臺北野雲涼雁傳朔氣清霜苦地近
寒流晚稻黃木落前川還獨往花開別縣又重陽薊門直上
三千里一夕歸心鬢欲蒼

慶陽

慶陽山郭屹中天勢壓胡兒不近邊何事白狼髯未入至今
青海箭猶傳城頭帶甲營防虜套裡連營自控絃漢將秦師
空拊髀令人卻憶孝文賢

李舜臣

二首

舜臣字懋欽青州樂安人嘉靖癸未進士授戶部主

事改吏部歷員外出爲江西提學僉事改南國子司

業就遷尙寶卿召拜太僕卿有愚谷集十卷

四庫總目舜臣詩格雅飭而頗窘於遠幅所長所短皆在於此文皆古質其序記多名論而西橋逸事狀一篇觸張璪桂莠之鋒直書不諱文出之日天下咋舌抑亦剛正之士矣

中麓閒居集李空同有九子詩率多詩文之友子亦有友九人焉詩文而兼經濟者也勿論經濟其詩文有可掩蔽前九子者焉李愚谷舜臣劉嵩陽繪羅念菴洪先呂江峯高熊南沙過唐荆川順之趙俊谷時春王遵巖慎中潘春谷高

送丁德卿出守撫州

康樂臨川曰江山屬壯遊
羨君今出守於此復鳴騶
題以紅泉勝亭餘碧澗
幽遙知詞賦手千載拚風流

寄任元朴

去國今三載獨傳諫諍名聖朝非爾棄時俗乍相傾迹向陶
邱歛書從梁獄明平生欲何似歲暮臥山城

陸銓一首

銓字選之鄞人嘉靖癸未進士除刑部主事諫大禮
廷杖歷兵部員外禮部郎中出爲福建按察副使歷
廣西按察使遷廣東布政使有石谿集

甬上耆舊業石谿奇氣激亢真詩家之烏獲
田拔選之議禮與羅峯不合羅峯驟貴氣凌朝士排
擠正人選之挽羅峯詩云此後正人方貼席從前同
黨幾張弧笑君十載爲公相不得徐生一東芻可謂
快論也

度嶺後漸寒

初春戒羊城氣煖親締葛度嶺春已杪怯風襲冬氈相去千

里間寒燠判如割物性亦從人宜土乃易茁橘柚常去燕梨
棗不榮粵植根一失所生意已先闕奚爲冠裳驅風土奪所
悅六氣爲人營變息苦伺隙行行歸吾鄉安栖養歲月

顧夢圭 四首

夢圭字武祥崑山人嘉靖癸未進士授刑部主事改
南吏部歷郎中出爲廣東參議改江西歷山東河南
副使福建參政按察使遷江西布政使有疣贅錄二
卷

四庫總目夢圭詩文皆平正通達直抒胸臆無鉤章棘
句之習有明中葉風氣初更蓋學問移於姚江而文
章未移於北地者也
田按武祥分守廣東雷廉海北故有平江青鷺楊梅
樂民四珠池詔書督採甚急武祥疏言海面珠池道
里遙絕往歲開採用舟筏兵夫萬計往來海中因以

爲盜近年劇寇黃山秀蔓延縱橫覆轍可鑒且珠蚌
出海有漸生息甚難先朝率十五六年或十年一採
始得美珠週者三年再採珠已耗竭自非積久欲得
美碩繁顥必不可得之數矣况蠶戶腰紬入海觸犯
瘴霧駢首就死實可憫念伏望亟賜罷採以寬民力
不報責貢如初武祚有采珠歎詩云漢家嬪媼無
飾南海逍遙養泉客昭陽新龍門新妝照乘之珠苦
難得孟嘗美政龔黃班今人反怨珠來還璽書三年
兩頒降驪龍赤蚌皆愁顏往時中官涇合浦巧徵橫
索如豺虎中官去後璽書來誰訴邊陲無限苦野老
村童不著襌四山戎馬夜紛紛竹房無瓦餅無粟猶
折山花迓使君此詩可儆白香山新樂府矣武祚
賁集長於古體如潮縣行縣縣行等篇皆可採之軒
軒陳之太史者也

崇安縣作

鵝湖始褰帷延囑情未已陟嶽窮紆折臨溪鑒清泚修篁蔽
雲厓繁英間霞綺飛瀑萬壑鳴玄關百靈啟征夫憚殊域物
色差娟美緬懷通道初於今乃同軌言瞻九曲間秀石如瑜

珥鼓柅日紆徐仍觀嚴月起

獻縣行

渾沱水決年復年城北一望皆平川田荒不聞免租稅賣兒
鬻女償官錢百家今無十家在老翁臘月衣無綿編草爲船
渡行客破履深入層冰間索錢買餅不充腹終委溝壑何人
憐北地凋殘此爲最來往況復多輶軒我來正逢賈者至橫
須供張何喧喧辛勤爲民省百費路旁但稱曾令賢曾令名
德字曰宣

過信陽追悼大理卿孟公

江東舊游處雲樹俱寂寞篇翰空流傳斯人不可作嵩山洛
水幾俊人此鄉何孟名嶙峋東閣梅花罷吟笑落帽龍山迹

已陳我昔卑棲向南省孟也邂逅情相親秦淮命舟每清夜
冶城飛蓋當芳辰歡娛未幾旋相失楚天粵嶠疏音塵英魂
不逐彩霞散或與黃鶴翔秋旻我來故宅可羅雀墓草忽復
三經春交呂礪嵇如隔夢山陽聞笛一霑巾

九江雨泊

家近書仍少情繁夢不清芝山連夜雨春盡九江城

柯維騏

四首

維騏字奇純莆田人嘉靖癸未進士授南戶部主事
有藝餘集十四卷

東南嶠外詩話希齋登第五十載未嘗一日爲官人
品既超詩遂似之

田按奇純撰宋史新編竭二十餘年之力可謂精專
詩亦蘊藉不染塵氛

別陳若寶

悠悠江上雲盤盤澗中石蹤迹亦何常寸心詎能易長亭一杯酒相看意脉脉別後長相思留教罄茲夕

客路驛

雨歇江天淨山迴驛路遲客愁新歲減風物故鄉宜花事餘梅蕊樵歌擬竹枝祇慙司馬病深負好文時

寄文衡山內翰致政歸山

海內論交久清朝偶共逢談詩山寺月並馬禁城鐘林卧余多病吏情爾亦慵相望隔秋水芳訊託芙蓉

九日集東山

登高直到石巖巖滿目雲山秋可憐僧影夕陽紅樹裏蘆花

野水白鷗前寒天搖落仍幽事
爭社招攜有宿緣共把深杯
對叢菊不妨短鬢趁流年

李新芳 一首

新芳字元德長治人嘉靖癸未進士除淮安推官改
保定入爲戶部主事遷監察御史有漳堃文集八卷
四庫總目新芳漳堃文集講學之作多至三卷詩亦瀟
洛風雅之脈

送李容之赴密雲

東郭送行客淒其風滿樓冠裳兼晉楚意氣極燕幽對酒堃
花落隔林嘯鳥愁雙旌去何疾回首北山秋

馮世雍 二首

世雍字子和江夏人嘉靖癸未進士歷吏部郎中出

爲杭州知府改徽州有三石集

湖北詩徵傳畧世雍書法山谷有奇氣

登岳陽樓望洞庭

澤國雲蒸水滿湖茫茫煙浪混虛無
波心明月澹將墮海上浮邱閒可呼
巴客布帆歸鳥盡湘靈瑤瑟暮峯孤
汀蘭汀蕙空相戀恐有魚龍夜泣珠

金陵春興

玉臺金闕帝王都碧樹青山海嶽圖
瘦馬年年趨畫省只將詩句詠蓬壺

劉隅一首

隅字叔正東阿人嘉靖癸未進士授福建道御史出

爲四川按察僉事坐事謫稍遷永平知府歷河南副
使按察使以右僉都御史巡撫保定入爲右副都御
史有範東集

再過草堂

亭泉叢薄帶寒流杜老祠堂江水頭一代文章懸日月幾年
衰病託林邱空園葉落松欹老滿地雲陰鳥雀愁我亦羈栖
懷故國時來江上寫離憂

馬坤一首

坤字順卿南通州人嘉靖癸未進士累官南戶部尙
書贈太子少保有石渚集

送沙溪姜二守擢清江藩府審理

三年佐郡著賢勞又上樓船汎雪濤粵檄江山歸陸賈梁王
賓客讓枚臬海東棠樹陰連舍驛路煙花色映袍把酒旗亭
愁送遠西風衰柳苦蕭騷

朱澗 四首

澗字必東莆田人嘉靖癸未進士授湖廣道御史以
言事廷杖放歸有天馬山房遺藁八卷

四庫總目澗詩不事鉛華獨抒懷抱家居三十餘年於
民生國計切切不忘集中南洋水利之議山寇海寇
之防指陳利弊斟酌時宜委曲以告當事不以罷黜
而膜視其爭誕節朝賀疏史僅刪存大畧集中尚載
其完本用以壓卷蓋自議禮諸臣獲罪後舉朝皆附
新局澗與馬明衡倦倦故君尤其一生大節故編錄
遺文者別爲一卷弁於集首云
關陵詩話以嚴與馬師山同批逆鱗幸得不死歸隱
天馬自謂罷官之嚴適與請節相符園中多植菊每
開時必作數詩以紀歲月其詩春容和粹無窮愁半

騷語雖不規撫柴桑其興趣正自相同
東南嶠外詩話天馬山房稿中有二石歌云英石出
英嶺端石出端溪天生二石名天下寶愛直與珥瑤
齊昨來端州過英德忽聽人言心惻惻窮山絕谷遠
搜尋斧鑿之聲日千百持歸不敢爲家謀紛紛爭向
官司投摩挲更與辨醜好身當此役何時休二州父
母民之主詎忍生民受茲苦安得龍圖孝肅公手不
持之目不覩此等詩有關繫粵東方志中尤宜大書
而特書者也

禾稼在野人有更生之望喜而賦此

低田美禾稼高田饒黍菽豐歉昧前期苦樂易翻覆貧者嗟
已流死者不可復何當忍須臾待此歲月熟

寄竹坡施先生昆玉

尤川古邑佳山水雙峰巒岨水清泚地遠民風淑且閑漁釣
還多隱君子薄遊已作廿年期只今魂夢長依依扁舟欲往

關山阻一雁不來音信稀極目溪雲擁溪樹君遊是我曾遊處漫題短句送君行直把愁心向君去君到尤中見故人爲余傳語寄情親木蘭煙水盡公月短髮蓬鬆一角巾

扁舟沂木蘭宿西冲僧舍同馬師山和顧頤齋韻

坐愛山中靜庭柯永日移婆娑遊客影消息野雲知釋子何年住溪光入畫奇題詩鐫絕壁應作後遊期

題九霄深紅菊

幾朵深紅籬畔栽幽香剛到一尊開江村秋色涼如水五柳先生歸去來

盧襄一首

襄字師陳吳人嘉靖癸未進士官兵部郎中有五陽

山房藁

和贈嶼戶部

三年再見嶼叔養皆在范水今神州矯矯高姿同海鶴悠悠
野思傍汀鷗未拋薄祿緣慈母忽動新吟感素秋花竹郊居
石湖好問君還肯卜鄰不

王激二首

激字子揚永嘉人嘉靖癸未進士除吉水知縣入爲
吏部主事歷員外郎中遷南右通政改北進國子祭
酒有文江鶴山二集

田按子揚爲羅山增羅山柄用以喜怒進退人子揚
能調護善類脫其荼毒其卒也張唯靜爲刻鶴山集
鄭澹泉爲作小傳稱其天資闊達不屑曲謹願以舅
氏驟起驟廢坐是抑鬱以卒羅山素不喜余非子揚

戊籤卷十五

古

禍且不測使子揚以縣令歸山潔志峻節心迹之際
嶠然矣願其意亦欲委曲盤桓救十一於千百其爲
正人憐惜如此余徧檢明詩總集無錄子揚詩者偶
於温州志獲詩二首亟登之

稼軒

太平無稿勸東封且爲明時作老農歲事經營春信後蓑衣
料理雨聲中百年自足江村味一飽麴醅未耜功草澤行吟
君莫問遊人不是鹿皮翁

喜歸雲峯山房

江上青山入望新客衣初拂帝京塵庭闈歲晚思歸養雨露
恩深許乞身雲谷誅茅營別業鶴山煮茗摘先春莫言林下
無居士東絹新裁折角巾

黃直一首

直字以方金谿人嘉靖癸未進士授漳州推官以疏
請建儲下獄謫西陽州判再劾邵元節廷杖戍雷州
隆慶初贈光祿少卿

羅漢洞

西風一蕭瑟暇日暫遊山花落亂鋪徑雲來半掩關流泉秋
壑冷疏磬晚龕閒興盡自歸去高僧猶未還

方一蘭一首

一蘭字世佩莆田人嘉靖癸未進士授刑部主事改
禮部吏部歷員外郎中有少微堂集

芝園定集西皋方子詩流藻繪於山川播風標於簡
冊

留雲洞

望望瀨溪水幽幽雲峯林驅我輕車去遲日載登臨梧竹手
移植麋鹿相追尋依依青楓樹嚶嚶好鳥鳴我興寄寥廓斗
酒聊自斟解衣坐磐石撫我膝上琴他時畢婚嫁長此棲雲
岑

鄭弼一首

弼字諧甫莆田人嘉靖癸未進士歷工部郎中出知

雲南府

夜坐

獨樹風漸生四郊雨初歇何處隔山鐘聲帶月

黃禎一首

禎字德兆安邱人嘉靖癸未進士授戶部主事改兵

部進郎中再改吏部有北上戶部符臺諸集

張貞渠郎中夢錄選部以人言免官家居獨坐一小樓日事吟詠力追古作

東田

東田陟蘭皋別業山之麓夕日銜嶺頭山猿嘯東谷颺颺晚
風細輕雲澹水木曳杖尋友朋溪月上茅屋

葉良佩一首

良佩字敬之台州太平人嘉靖癸未進士除新城知
縣改貴溪入爲刑部郎中有海峯堂前葉十八卷

靈谷菴讀道書

市居苦炎熱逃住白石菴閒眠讀道書峯影垂重檐緬邈三
秀圖深沉九龍潭簫笙自幽細風日還清酣路逢王子晉引

致阿那含親昵儻相問餐霞隱終南

金克厚

一首

克厚字宏載仙居人嘉靖癸未進士官刑部郎中

遊天台

夜宿清溪覽桐柏又從桐柏上瓊臺仙人跨鶴歸何處岩下
碧桃花自開

王度

一首

度字律生臨海人嘉靖癸未進士授兵部主事歷員
外郎中出知建昌府有石梁集

望石樓

一路看山近石樓十年詩興未曾酬與君並馬談幽事何日

捫蘿到上頭綠水平田初過雨丹楓黃葉足清秋年來蹤迹
奔馳甚聊向東溟學浪遊

陳表 一首

表字口口新興州人嘉靖癸未進士官浙江道御史
東湖驛題壁

雲峯日落暮後引江浦雨來歸雁忙南入青山六十里遙村
烟樹影微茫

吳鵬 一首

鵬字萬里秀水人嘉靖癸未進士授工部主事累官
吏部尙書有飛鴻集二十卷

次府江感懷呈劉憲使

上化灘前晚繫舟黃茅嶺接楚雲秋一天瘴雨來殘夜千里
蠻江有急流短髮獨搔搔送淚疏燈自照角添愁卻憐留滯
炎荒客已似當年柳柳州

毛衢一首

衢字大亨吳江人嘉靖癸未進士官四川提學副使
有六泉集

元旦在涪

年華催客鬢春意動山城草樹初添色溪流不換聲煖將椒
酒媚纖送菜盤青時序偏驚眼江籬愁與生

徐獻忠一首

獻忠字伯臣松江華亭人嘉靖乙酉舉人除奉化知

縣有長谷集十五卷

松風遺韻長谷集中五言如林密交加樹山迷去住
雲七言門臨絕壁高於烏竹引泉流曲似蛇別浦煙
光分蟹舍隔林晴日上魚梁殊自可誦

山居

高林深結宇礙屋有停雲
秋至驚黃葉蕭蕭不可聞
客從樵徑入泉向石根分
日暮牛羊下時同麋鹿羣

錢楞一首

楞字介夫臨海人嘉靖乙酉舉人官襄陽同知

春日

桃花杏花紅滿溪
野老候予來杖藜
斷厓水落雨初歇
春晴日出鷺亂鳴
酒盃入手醉不放
草色著眼望欲迷
最愛南鄰

興更好攜壺擬過石關西

孟思 五首

思字叔正潯人嘉靖乙酉舉人選南陽通判未赴卒

有龍川集二十卷

川按龍川與謝四溟盧次樞遊詩名不甚著於滌倒
中時有渾成合格之作

愁

計拙竄爲隱年衰未得閒詩篇搔短髮歲月落荒山
剝啄征徭急尋常酒債艱昔人何意適瀨石弄潺湲

暴雨

農事欣仍懼天威暴暫迴虹邊收斷雨林外殷殘雷
荷暮酒杯進小涼詩句似西山足爽氣倚仗看崔巍

送盧次楸遊南都

秣陵春色早行客路從容酒醒江船月詩成野寺鐘鍾山雲
氣紫歸國浪花重莫聽竹枝曲令人歸興慵

雨晴

五更鳴雨忽斷絕清曉皎日懸林東坐枝黃鳥嬌睨院落地
杏花殘白紅青青麥苗抽短隴飛飛閒雲開遠空欲出山田
泥不可拂琴呼酒對春風

夜

獨坐空階對綺琴微微露下寒來侵西風落木此時夜明月
在天何處砧楚調悠悠吹遠思胡笳故故送哀音問誰今作
燕山將莫解防秋萬里心

劉陽一首

陽字一舒吉安安福人嘉靖乙酉舉人除碭山知縣
徵授御史引疾歸起光祿少卿不赴

書岡山

獨尋花徑覓幽居借我書岡小結廬十日西風人卧病半床
黃葉半床書